



先秦 — 清末民初

中國野史集成

續編

錢謙題卷



中國野史集成·續編編委會
四川大學圖書館

編

巴蜀書社

中國野史集成·續編編委會
四川大學圖書館 編

·先秦——清末民初·

中國野史集成續編

30

巴蜀書社·中國·成都

中國野史集成·續編 (全三十冊)

出版發行 巴蜀書社 (中國成都鹽道街三號)

總編室電話 〇二八—六六五六八一六

發行科電話 〇二八—六六六二〇一九

印裝 成都東方福利彩印廠 (成都神仙樹南郊)

村工業小區 〇二八—五一八三八二二

二〇〇〇年元月第一版

二〇〇〇年元月第一次印刷

版權所有 翻印必究

(本書若有印裝問題請與工廠調換)

策劃組稿

段志洪
何銳

責任編輯

何銳
羅紅

封面設計

李文金

封面題簽

繆鉞

ISBN7-80523-995-9/K·198

目 錄 (第三十冊)

庚子海外紀事	一
庚辛提牢筆記	一二三
庚辛之際月表	一五二
記中國自明代以來與西洋	
交涉大略	一六三
述豪傑事迹應泰西駱任	
庭問世故	一六七
閩游略記	一七七
掘塔記	一八一
漕運昔聞	一八四
蜀中先烈備徵錄附編文錄詩錄	一八七
蘄春紀略	三〇四
蜀 辛	三二七
辛亥殉難記	三六二
辛亥革命北方實錄	四一七
辛壬春秋	四六四
護國川軍戰記	七八四

附錄一《中國野史集成·續編》

書目筆畫索引 八〇九

附錄二《中國野史集成·續編》

書目四角號碼索引 八二三

編後記 八四〇

庚子海外紀事

辛丑仲冬物於正
漢辦理商務不輟

自序

上早中外交關變起倉卒非所逆料初聞警報猶疑信參半以為謠傳比因京津電斷專恃江鄂等省遣探消息分致各使館互相轉告終以重洋阻絕必再三印證始能確切因是益形遲滯而新報議論龐雜以偽亂真揣測事機苦莫能得其要領

庚子海外紀事

一

往往若鷄鳴之失旦及至戕使蜂成聯軍北犯乘輿西狩孤臣痛憤竟日旁皇自是德亦防範愈嚴遂有密電之禁間從他使處紆迴遞達而於中事聲氣究多隔閡視古蠟書雁帛未審其難孰似鬱鬱居此已置死生於度外豈不知身之復何存矣當克使被戕之信到柏林舉國譁然無識之民向中國使館時出不避之言

回嚴諭隨員繙譯等因戶不出以避兇鋒免再
啟意外之交涉旋奉

旨命尚德廷慰唁遂赴外部道歉途中人指而
目之者均有怒容外部初拒不納繼謂向與欽
差交好今日只可私見告以克使不幸之事皆
係亂民所為宣出
國家之意外今奉

庚子海外紀事

二

旨特來道歉渠謂公使係代君行事傷公使不啻
傷君可謂野蠻之至告以克使亦有不是處
渠悻然不悅謂業已被戕尚歸咎耶告以彼
時北京大亂中國大官死者甚多克使不先知
照冒險前往不帶護衛太自輕矣然亦可見
中國素待克使之優厚也渠作色曰殺之尚謂
優厚耶當告以克使固平日相待優厚故深信

不疑以為中國決不與我為難遂不幸遭此難
耳現在奉天亦在危險之中貴國人民時有
投信使館毀置威嚇者日有數起若以奉天
為克使償命奉天為國負咎甚矣怒言特恐
他國亦必唯貴國為野蠻也外部大臣似惻然
感悟許為轉奏旋聞派出許多巡捕暗為保護
乃得多差送

庚子海外紀事

三

醇邸抵德謝過又為拜跪禮節屢次辯論舌敝
唇焦然與外部決裂不得已以去就力爭遂避
居瑞士以示意仍密授參贊廣音泰洋員金指
理機宜暗與教士學界鼓吹輿論亦不直德皇
所為又託前駐洋德領事司根德相機勸導正
值德皇召見司根德乘機因說謂跪拜乃祀天
祀耶穌之禮此外各行此禮者若令人跪拜是

以木偶人相待不足為重反以為辱異聞中國
官員為彼國體面所在持之甚堅倘逼之太緊
恐有性命之虞且恐他國之議其法因小失大
殊不值得其覺動聽德皇漸有醒悟之意幸
醇邸亦托病不進乃得轉圜成禮然已熱費經
營矣現在和議就緒迴溯從前所歷直如夢境痛
定思痛曷勝慨然此次國友故危如果卯幸我

庚子海外紀事

四

國家深仁厚澤洽於寰區雖顛沛流離而人心
固結眾志成城四境安堵並立風鶴之警尤賴
廟謨勝算措置得宜而內外諸臣亦能相與協力挽
回卒克獲全大局微臣奉使無狀幸免愆尤得
代生還爰於慶慰之餘將自庚子之夏至辛丑
之秋與德外部問答及一切文牘暨各處往來
電音料檢散失編為四卷錄存行篋必以庚子

題名者誌斯事發難之緣起也迄乎辛秋而
止者蓋必俟

親藩遠莅謝過友邦始為斯事之結局微臣
亦自此回華矣其始末如此當日百端憂患畧
見斯編其於時情形尚有斯編而未盡載者遺
漏甚多其中皆係播事直書毫末掩飾之語
或勸付棗梨用布

庚子海外紀事

五

朝廷宵旰之勞諸臣幹旋之艱常惕惕於心自終身
毋忘此恥而後之謀國者庶知所難焉於時事
不三裨耳遂勉從其請并綴數語於簡端
光緒二十七年辛丑仲冬上浣
欽差出使德國和國大臣外務部左侍郎都察院
左都御史臣呂海寰識于德京柏林使館



庚子海外紀事卷一

欽差出使德國和國大臣署理外務部左侍郎都察院左都御史臣呂海寰編次

去電 光緒二十六年五月初二日

致總理衙門王大臣 五月初二日

西報言豐台蘆溝車棧鐵路被匪焚毀勢甚猖獗聞克使請兵保護當赴外部阻止據云克電甚急現由青島撥兵五十進京兵輪一艘已赴大沽本不願派因各國皆派實不得已等語恐從此又生枝節謠言紛起刻下情形請電示以釋羣疑海江

致出使俄國大臣楊電 五月十六日

庚子海外紀事卷一

訛言駭聞焦憤萬分尊處如得確信務祈密示為叩海諫致總理衙門總辦章京電 五月十七日

總辦鑒西報言端邸及滿堂四進署漢堂一退未登姓名慶邸仍在署否柏林官場來問乞詳電示海江

致北洋大臣裕電 五月二十日

宙電壽帥鑒西報傳德公使在京被害德國官民勢洶洶確否請速電示京電如通乞轉總署海荷

致出使俄國大臣楊電 五月二十日

函敬悉訛言更惡昨謂日使被害頃又傳德使遇害焦急萬分尊處得確信乞密示端邸及滿堂四進署如知姓名

祈一併速示海號

致湖廣總督張電 五月二十一日

宙密嘯號電均悉商妥即復昨西報言日德兩公使均被害確否柏林官民勢洶洶大局可危聞京津滬電不道刻下如何情形祈密電示感叩海馬

致出使俄國大臣楊電 五月二十二日

兩電均悉感甚昨晚柏林接烟台輪船自津來毫無所聞謠傳疑因電斷而起誠哉議賠已屬不了餘詳函恐難相共仍隨時關照為叩弟海發

致出使俄國大臣楊電 五月二十三日

庚子海外紀事卷一

二

頃報大沽礮臺已失英船沈二俄船毀一各國兵均有殺傷未知華人傷若干大局可危都門如何情形俄外部如何議論如尊處有確信祈詳電示盼禱海江

致上海道余電 五月二十三日

晉翁鑒請設法轉總署電覽否近日謠傳更惡德都官民慌急各國協以謀我勢甚危迫今開續調赴華兵艦及陸軍不少德又派步隊約二千名礮船魯克蘇帖快船畢斯瑪鐵甲快船噸則勒陸續開華阻止不住內患未靖外侮迭乘焦憤萬分現在如何妥籌以維大局可否速密示仰戀

廷闕憂心如擣海濱

致北洋大臣李電 五月二十五日

遵巡電詳告外部彼云中國不護使館克使存亡未卜已七日不通電音舉國慌急又沽台先開礮傷我多人此二事實違公法停兵難遽議當告以克使無恙電已修開礮非奉

旨不為開衅援前年德君遇事相助之言力與辯論彼又以非奉

廷諭為詞告以中堂電諭即是訓條彼又云聞粵省堅留恐不成行又告以

庚子海外紀事 卷一

三

內召無停留之理中堂威望素著到京後內亂自平諸事可商

彼始允轉奏德王其注意所在終未肯露竊思北事危急務請中堂早日北上以維大局而孚眾望天下幸甚海容戀

廷闕憂心如擣仍乞隨時密示以期接洽為叩海宥

致南洋大臣劉電 五月二十五日

覬憲任禧恭賀敬電遵告外部切囑勿再分兵南來致滋驚擾彼云聞滬已不靖告以有南洋及鄂督兩帥保護必無慮適李傅相來電囑其停兵辯論再三彼始允一併代奏似有慮傳相不克北上之意可否請憲台勸中堂速歸

以維大局德公使無恙否乞密電示為叩海宥
致上海道余電 五月二十六日

有電悉已切實轉告矣德公使是否無恙探明密示淡電承轉感謝海宥

致鐵路大臣盛轉總理衙門電 五月二十六日

杏翁鑒北事急憤甚德公使無恙否彼國因電不通甚慌祈探明密示如有新聞並祈隨時密告為叩總署電祈轉淡電覽否德又派海軍步隊兩營來華時勢日亟昨接李傅相電沽台互擊并非奉

旨轉告外部切囑停兵再議善後外部云中國違公法本不容

庚子海外紀事 卷一

四

再接待議事意甚快快告以中國保衛各公使並無疏虞沽台互擊不可看作開衅彼聞傅相北上氣色稍平似有慮中堂不克適行之意又將覬帥與香帥力任保護長江一帶教商之電轉告并援前年德主遇事相助之言辯論再三彼始允一併奏知德主唯電音不通克使存亡未知彼甚注意究竟如何祈密示為盼海宥

致出使俄國大臣楊電 五月二十六日

敬有電均悉閱照感謝李劉徑敬電俄外部如何措詞密示為盼德甚咎違公法辯論再三始允轉奏德主似有慮傅相不克適行之意唯克使存亡未卜電信不通彼甚憤

恨尊處有聞乞密告洋兵巷戰匪退係十三之事未知近日如何痛憤萬分海宥

致出使俄國大臣楊電 五月二十七日

覬帥電李迭催北上德便平安云尊處如有所聞亦祈電示海沁

致南洋大臣劉電 五月二十七日

沁電敬悉已告德外部彼甚感北事因電阻生謠致肇弊端近滬亦有蜚語誠恐煽惑起波滬為商務總匯最關緊要可否轉囑各國總領事電告本國政府長江一帶安謐切勿派兵較使臣勸阻更昭信實祈鈞裁京津近情如何

庚子海外紀事 卷一

五

海沁

致出使俄國大臣楊電 五月二十七日

頃滬道電北京各使均平安海威

致出使英法德俄各國大臣羅電 五月二十八日

勘電敬悉 時事日亟奈何傳相覬帥兩電俄不作為開戰看德願傳相北上英外部如何措詞祈密示上海電各使均平安此信確否患難相共尊處如有所聞祈隨時電示為盼海勘

致出使俄國大臣楊電 五月二十日

昨羅電廿三署行文各使出京云刻下是否尚認保護各

使已否出京尊處有聞否倘各國仿行尊意如何辦理統

乞電復頃各督撫公請尊處轉商俄外部之電已見否如

未見希速示以便轉電海卅

致出使英國大臣羅電 五月二十日

宙密暨電悉署行文各使出京尚認保護否各使已否出京如各國仿行尊處兼意比如何辦法同舟誼切統乞電示海卅

致江督劉 鄂督張 湘撫俞 五月三十日

遼暨電譯洋配華已交外部據云德並無戰意長江一帶如果力任保護商教確有把握決不派兵現派兵艦係往

庚子海外紀事 卷一

六

北去李中堂各國素所信服均盼早日北上容日覆信等

語長江有各帥威鎮諒必無虞傳相此行關係安危大局

早發一日民難早紓一日請轉電各處為叩候覆到再電

海卅

致南洋大臣劉電 五月二十日

遼卅電切告外部據云長江一帶果能力任保護商教平安決不派兵現派兵艦係往北去各領事尚未來電商云

云長江有覬帥坐鎮自無他虞唯盼早與各領事妥商催

其速商本國更為妥實各國盼傳相北行甚切宜早發以

維大局海卅

致出使法國大臣裕電 五月二十日

卅電悉此間并無戰意甚盼傳相早發日內有覆信云法如何答亦請密示海卅

致南洋大臣劉電 六月初二日

觀兩憲鑒東電已譯告外部據云滬領事來電不及此電詳細中有數條未能照允候妥商再覆又云各國并無意與中國爲難刻下總盼先靖內亂李相北上各國屬望甚切請電總署等語即乞酌量代轉爲叩傳相進行始有轉機請勸早發海冬

覆南洋大臣劉電 六月初六日

庚子海外紀事 卷一

七

外部覆云文三件悉中國待德使有違公法德人被困甚危現派兵遣艦保護使館及德人并要回向來分內任便之益所有中國違法各事須照懲償故會同各國併力合辦必得欲一切實把握免再鬧事德所注意在此現中國政府辦事既自置身公法外各國即不能以公法相待至各督撫既認保護西人爲己任辦法與北京自異本部已立案務望踐言并請奏明中朝速解危機惟華兵勾結匪黨合攻西人德國在華應辦事宜咸歸統將主裁本部不願分其權致掣其肘故江鄂兩督擬訂各章礙難徑允兩督美意倘能實踐我國亦不忘情當即轉達統將於軍事

覆酌辦云北事近如何不勝憂憤請轉總署并李張袁王俞海欽

致出使俄國大臣楊電 六月初六日

柏林官電德使在京被戕確否乞立密示

致南洋大臣劉電 六月初七日

德使斃德君甚怒又派鐵艦四快船一起華約兵二千名矢取北京爲城下盟柏林民情洶洶勢甚危請轉署并李張海陽

致出使俄國大臣楊電 六月初七日

麻處悉感謝昨往唁據云畢魯未回德君意向不知恐決

庚子海外紀事 卷一

八

裂云唯民情洶洶勢殊可危頃聞德派員赴俄商辦如何情形乞探密示海陽

致出使英國大臣羅電 六月初七日

魚電悉往唁外部云畢魯未回德君意向不知恐決裂云現民情洶洶勢殊可危未知英外部如何議論乞探密示海陽

致北洋大臣李電 六月初八日

西報傳中國已宣戰各國確否乞密示德使戕後柏林民洶洶甚危急海庚

致鐵路大臣盛電 六月初八日

來電均悉謝請轉署德使被戕柏林逼送報單民情洵有與使館爲難之勢甚危急海庚

致南洋大臣劉電 六月初八日

陽電譯告外部切實聲明彼未置詞暗電感謝旋云德使已戕各國激怒在京洋人嗣後極須盡力保護勿再傷害免動公憤務請轉達政府云速請轉署并香帥海庚酉致南洋大臣劉電 六月初九日

庚電計覽回華一節彼不下逐客令我未奉

旨斷無擅走之理自應堅忍靜候以濟時艱聞

兩宮北狩又言被困不勝驚駭確否祈密示請速轉李張海佳

庚子海外紀事 卷一

九

收出使法國大臣裕電 六月初十日

佳電蓋慮極是容函商通使再覆開法使亦戕確否京信通否如有聞祈示爲感海蒸

致南洋大臣劉 六月十一日

德王昨諭膠撫水督并電請江粵鄂各督凡在京被困洋人救一命酬銀千兩能達此言到京諸費一併允還等語足徵關切民命此電會達尊處否海真

致出使俄國大臣楊電 六月十三日

元惡賤恙因時事憤急寢食不安所致承問感謝恐有赴外部事故派代辦學生被小孩所擊并無傷海翠

致南洋大臣劉電 六月十三日

和外部照覆和領與甘督撫商辦各事無論何項和廷未便允准云乞轉李張袁王俞真電已照轉否袁撫復德王電已刊西報海元

致南洋大臣劉電 六月十四日

兩帥力保長江被族已信惟屢督盡力保護使館係託空言德皇注意在京似宜籌一切實辦法以維繫之即辦不到或當原諒否則連保護長江語恐致生疑反掣東南肘所關非細請早裁愚見直陳乞宥元電未告袁復電亦未由海轉海鹽

庚子海外紀事 卷一

十

致盛大臣電 六月十五日

西報言總署已焚譯堂有被害者蔭相嬰帥均遇難確否近日北事如何統乞密示海咸

致出使俄國大臣楊電 六月十五日

咸悉昨直藩轉初三電

旨七百餘言如尊處未接到乞速示以便轉達海刪

致出使英法兩國大臣羅電 六月十五日

昨滬道電直藩轉初三電

旨尊處如未接到乞速示以便轉達海咸

致南洋大臣劉電 六月十七日

各使及眷口有無損害外部甚為著急託電詢乞設法密探確耗電示德派新使名刷次士潭月底赴華請轉署并李張海篠

出使俄國大臣楊電 六月十七日

銑悉函到電

旨亦照譯送以免參差外部允呈俄外部云何尙擬電奏否乞

示海篠

致北洋大臣李電 六月十八日

諫電悉密探外部無實言各國總以各使及眷口有無傷害再定辦法此事各國以代靖內亂為詞在我只可推為

庚子海外紀事 卷十一

十一

亂匪滋事萬不可牽涉官兵為將來收束計外部昨得粵領電悉中堂廿一起程果否刻下彼雖無逐客令然已有不應再為接待之語後事亦難逆料篠電轉到否海巧

致出使英國大臣羅電 六月十九日

巧電感謝畢言四條與尊處所聞大同小異已譯電傳相

初三電

旨尙擬覆奏否聞

兩宮甚危如有所聞乞密示為禱海效

致閩浙總督許電 六月十九日

元電照轉轄境尙安否海效

致出使俄國大臣楊電 六月十九日

昨盛電孫徐兩相被劫東城焚殺最甚亂黨騎虎各使及兩宮俱危頃羅得盛電十一日京耗董將駕礮不遵

旨使館政府俱危云觀此情形

兩宮恐有不測不勝痛哭尊處有聞亦祈密示篠電請覆海效

致北洋大臣李電 六月二十日

德外部致列邦文稱德國立意一在保護本國屬華商民身家財產工藝一救護在京被圍歐人性命一使中國之人實有治國理民之能者重整一切并籌一善法保不再亂一所有兇惡焚殺之事須索賠懲治如願以償德國無

庚子海外紀事 卷十二

十二

瓜分之意亦不求專利深願會同各國和衷共濟互相安商庶中國早平內亂速享昇平之樂此德國注意者也云云先摘要電達祈轉劉張轉署海效

致出使英國大臣羅電 六月二十日

頃傳相電廿一起程覬帥電得袁電聞各使暨眷無恙惟使館圍嚴消息不通昨又會諸帥電京救使云今日德報

載袁電在京西人全沒未知孰是有聞祈示海號

致出使美國大臣伍電 六月二十日

咸悉感謝敝處有克使事擬稍緩覆奏彼雖無逐客令已有不應再接待語刻惟飭參贊傳話北事如有所聞祈示

海號

致南洋大臣劉電 六月二十日

號電照轉外部甚感謝各督撫美意惟願設法實力保救有效尤感但英電各使及眷均被害云仍求探示海哥

致南洋大臣劉電 六月二十一日

號電敬悉譯送外部彼前屢言中國究竟誰秉國政論情勢本不應再為接待刻又禁止發密電恐不免有逐客令此後消息不通奈何翹瞻

京闕不禁涕零乞轉署并李張此電係函託通使轉海箇

致上海道余電 六月二十五日

庚子海外紀事 卷一

十三

滌悉

國書欽遵照遞克使眷屬暨各使究無恙否請轉總署查明速復海有

致南洋大臣劉電 六月二十八日

請轉軍機處遵六月初三

旨向外部切實聲明據稱使臣遭害辱國太甚當力陳中國決無開衅意克使為亂黨戕害

朝廷惋惜殊深彼謂須確查再商因此官民甚怒頗有為難之勢幸有巡捕保護尙無他變彼雖云無瓜分意亦不求專利殊未敢信刻派新使刷次士澤并派兵二萬來華深

恐憤兵不分玉石民遭塗炭正擬請

旨為德使電唁并許辦犯免彼藉口因外部突禁中國發碼電不果奉

國書及廿一

旨適德王避暑海口譯交外部轉呈彼詰問克使眷屬臣許以查明再覆容得覆書另行電奏外竊思為今之計宜乘各國兵未集先自靖亂免致藉詞要挾或請駐京各使居閒排解各國易聽亦釜底抽薪之法臣觀此時勢憂憤交深外部屢言論情形不應再接待雖無逐客令已不以使臣相待臣不敢心存觀望但恐往晤被阻反難轉圜現覓派

庚子海外紀事 卷一

十四

參贊廣音泰代為傳說以免齟齬謹披瀝上陳請代奏海

寶叩江此電由俄館轉

致南洋大臣劉電 六月二十九日

請轉軍機處

國書欽遵譯送頃外部復稱中國

大皇帝電書已判惟未悉駐京各使館暨在京洋人被困情形德使慘被殘殺如何懲償及如何設法足保將來按照公法禮法辦事以上未經查明之先

電書未能遵代呈遞云請代奏海寶叩
致南洋大臣劉電 七月初二夜

旨云各使平安彼仍懷疑若令各使電達本國則疑釋氣平各館洋人無多殺之不武留質更激怒刻宜妥速送津以緩其兵然後整軍備戰乃為有名可否密電榮和勸諭軍民或可感動時勢迫切痛哭上陳伏乞卓裁海蒙致北洋大臣李電 七月十六日

初八

諭旨及真電譯交外部詳切聲明據稱各使護送無實在把握故不放心止兵非一國專主德深知

兩宮十分為難井勿仇祝意請勿多慮內匪未靖顯見兵力不足故代平亂兵到後自見分曉再商辦云乞轉總署并劉

庚子海外紀事 卷一

十五

張海諫

致上海道余電 七月十七日英文

總署代寄德館洋電碼已交外部請轉總署

致上海道余電 七月十七日

和蘭外部託寄駐京大臣格洋文電希速轉總署交并先電復海蒙

和外部電北京和蘭欽差大臣密碼電我已收到甚慰和戰船一隻開往大沽接爾到上海居住以待後命外部大臣璞福

致全權大臣李電 七月二十日

外部覆稱初八

旨派兵護送赴津一節德與各國難允准然貴政府已認制兵無權則所派之兵雖極鄭重設遇不遵令之兵及匪黨攻打各使人等彼等未能抵禦必致疏虞貴國既肯認真保護德甚願中朝從速力籌良法以踐前言倘仍猶豫或置不理設有變故應令中國

國家承當各國兵不日抵京原有顧全之心恐難遷就德與各國明告中朝各使館例不能損傷如再生變即將北京肇事人員性命財產抵償如貴大臣顧念中國利益速即電達

庚子海外紀事 卷一

十六

國家務按公法辦事勿再任意遲延云大局攸關謹據實奉聞乞卓裁轉樞譯劉張海號

致全權大臣李電 七月二十日

咸電譯交但云存案不置准駁意似默許恐非兵到難速開議或先就近商德總領亦能轉達德新使刷次士潭將到滬是一機會德現派武德齊為帥并統各國軍各國已認普法戰會同毛奇畢司馬立功頗著名七月二十七號答及奏謀五十人來華同駐滬若與議結似更便捷密聞祈鈞裁號電外部語太橫事關大局不敢不電使臣無從與辦祈轉達樞譯再德瑞林漢納根及容現在何處乞電

示海禍

致全權大臣李電 七月二十一日

號電內另籌良法探外部意即美法覆書會同辦理之法云海馬

致上海道余電 七月二十一日

和外部寄和使電乞轉總署安交先電復海箇 和外部

電北京和蘭欽差大臣仿照爾之同僚行事璞福

致全權大臣李電 七月二十二日

外部覆稱德廷總以速將被困各使人等放出係中朝第一應辦之事萬難推却未辦以前無論所派何人德廷均

庚子海外紀事 卷一

十七

不能與商現救援事宜已交在華各統領斟酌其援救之

兵應否進京可由中國向各統領商辦云海漾

致南洋大臣劉電 七月二十四日

聞

兩宮西狩不勝痛哭何人留守洋兵何日進京都中近情如何

盼速電示海敬

致全權大臣李電 七月二十九日

德外部面告京中情形尚未查明中堂所授全權各國均

難遽認云海豔

致全權大臣李電 八月初二日

卅電敬悉德使到滬若情總領先容或可會晤瓦特齊已起行聞令駐華二年未知何意中堂全權揣各國意因

兩宮出幸誰秉國政且此

旨未經總署知照各使專報藉詞挑剔德以俄為從違若請俄

皇德皇居開調停各國或可聽從回天之力全仗茲籌

聞京門糜爛

兩宮駐蹕何處曷勝痛哭心緒悖亂妄陳愚見用備芻蕘海蒙

致全權大臣李電 八月十三日

前上豪電西報節錄殊為詫異彼來詢未認尙澈查務請秘之否則禁令愈嚴消息愈滯海元

庚子海外紀事 卷一

十八

致全權大臣李電 八月十七日

遵庚電婉告外部頃復稱德須知

兩宮權力及

駐蹕處權力果不旁落方可與所派之人議事其全權實據應

由新使刷次士潭驗明如果合式再聽國家踐德公使與

各國商議德力勸中國不必開議先將仇視洋人之事一

律停止則和局易商於中國最有益云海篠

致全權大臣李電 八月十七日

寒電轉告據稱辦法已詳篠電不另復前請添派慶邸已

奉

旨否如奉

旨祈徑告刷使并電示海洽

致上海道余電 八月二十六日

轉慶親王

王爺鈞鑒咸電逕告外部據稱刻尙不能議事德廷意在先將肇亂之人查明交出已知照各國政府轉電各駐使遵照辦理云海賓叩

致南洋大臣劉電 閏八月初三日

德外部久不接待有電遣庶參贊婉告剖析利害彼不置可否竟難理喻曷勝焦憤乞轉香帥海歌

庚子海外紀事 卷一

十九

致南洋大臣劉電 閏八月初三日

和外部覆稱迭次函悉和廷甚惜中國北京之事以致停阻往來交情和與中不作爲開衅和使館被殘信係亂匪所爲非中國意料所及中國已派全權大臣議和所有和國及和民人在北京及他處被毀產業中國自然從速照賠現擬飭開單由駐使轉交云祈轉慶邸并李張海歌

行在初二電傳

國書德外部訂十二遞據稱德使已將

國書電達政府德皇已有復書交德使云乞代奏海賓叩

佳并轉慶李

致南洋大臣劉電 閏八月十一日由俄發

密電敬悉德自奉

國書雖未盡釋已有轉機德復書譯華已電達海賓

致南洋大臣劉電 閏八月十三日

國書已遞外部云覆書交德使專呈并另頒訓條飭使議辦其書已登報請查奏等語茲謹撮要譯呈其文曰

大皇帝來電已閱欣悉

大皇帝擬將兇殺德使學及文化之事按照華例賜祭奠饌作爲償恤然予身爲德主世守耶穌教規似此兇惡之事礙

庚子海外紀事 卷一

二十

難遽以爲醜了結此次傳教及奉教之人慘遭荼毒不可勝計其冤魂亦非奠祭所能解釋使臣公署各國所重向無加害之理而中國反是且各國商民教士及大皇帝屬下子民崇奉與同教者均無故被害聞之無不凄慘然予不罪責於

大皇帝維倡首肇亂擾害生靈主謀辦事之大臣既自肇禍即屬罪有應得如

大皇帝能治以應得之罪則予固可釋然倘肯照辦并允被辱各國派代君行權之人贊襄其事即可允行

大皇帝如能回京尤所深喜當飭瓦總帥不但遵照